



КАФИСТ

**СВЯТОМУ
ВЕЛИКОМУЧЕНИКУ
И ЦЕЛИТЕЛЮ
ПАНТЕЛЕИМОНУ**



Тропарь, глас 3.

Стрaстотерпче святы́й и целѣбниче Пантеле́имоне,
моли́ Милостивого Бóга, / да прегрешѣний
оставлѣние // подáст душáм нáшим.

Кондак, глас 5.

Подражáтель сый Милостиваго, / и исцелѣний
благодáть от Него́ приѣм, / стрaстотерпче и мучениче
Христá Бóга, / моли́твами твоими́ душѣвныя нáша
недúги исцели́, / отгоня́ прísно борцá соблázны от
вопиóщих вѣрно: // спаси́ ны, Гóсподи.



ЯКЯФИГТ

СВЯТОМУ ВЕЛИКОМУЧЕНИКУ И ЦЕЛИТЕЛЮ ПАНТЕЛЕЙМОНУ

Кондак 1.

Избранный страсготёрпче Христов и врачу
благодатный, туне подай недугующим исцеления,
песньми восхваляем тя, заступника нашего. Ты же,
яко имеяй дерзновение ко Господу, от всяких бед и
болезней свободай нас, любовью тебе зовущих:

Радуйся, великомучениче и целителю Пантелеймоне.

Икос 1.

Ангела земнаго и небснаго человека вемы тя,
славный Пантелеймоне: ангельскою бо непорочною
и мученичеством украшен, преселися еси от земли
на небо, идеже со Ангелы и всеми святыми предстои
Престолу Господа славы, молися о нас, земных,
почитающих тя звании сими:

Радуйся, светлосте благочестия; радуйся, преславный
светильниче Церкви.

Радуйся, мучеников пречестных украшение;
радуйся, верных в непоколебимом терпении
утверждение.

Радуйся, юности презрядная похвало; радуйся,



побóрнице Христóв, в мýжестве неодоле́нный.

Ра́дуйся, произра́стший в ми́ре, преми́рен
яви́выйся; ра́дуйся, а́нгеле во плóти, превосходя́й
сме́ртных.

Ра́дуйся, небожи́телю всеблаже́нный; ра́дуйся,
Божéственнаго ра́зума вместíлище.

Ра́дуйся, íмже véра возвы́сися; ра́дуйся, íмже
прéлесть низложи́ся.

Ра́дуйся, великомúчениче и целíтелю Пантелеíмоне.

Кондак 2.

Ви́дя тя Влады́ка сосóд избра́н, возлюби́ души́
твоея́ добрóту. Ты бо земнóу всякую сла́дость и
сла́ву презрэв, венце́м мýченическим возжелéл еси́
укра́ситься, уязвлен Божéственной любóвию и
вдохнове́нно поя: Аллилу́иа.

Икос 2.

Ра́зум богодухнове́н имéя, о до́блйи воителю
Пантелеíмоне, изумíл еси́ царя́ Максимиána
мýжеством души́ твоея́ и словесы́, íмиже дерзнове́нно
проповéдал еси́ Христá. Тёмже, похваля́юще
дерзнове́ние твоё, глаго́лем ти си́це:

Ра́дуйся, угро́зы Максимиána презрэвый; ра́дуйся,
совéтом нечестíвых не покорíвыйся.

Ра́дуйся, насажде́ние íстиннаго богочита́ния;
ра́дуйся, искорене́ние дéмонскаго служéния.





Ра́дуйся, неисто́вства мучи́телей изобличи́телю;
ра́дуйся, идо́льския прѣлести низложи́телю.

Ра́дуйся, разгна́вый нечести́вых собори́ща; ра́дуйся, преме́нвый тле́нная на небе́сная.

Ра́дуйся, собесѣднице невеще́ственных А́нгелов;
ра́дуйся, сликовствова́телю многострада́льных
святы́х.

Ра́дуйся, и́мже сатана́ посрами́ся; ра́дуйся, и́мже
Христо́с просла́вился.

Ра́дуйся, великомучениче и целите́лю Пантелеимо́не.


Кондак 3.

Си́лою Вѣ́шняго, дарова́нною тебѣ, и крѣпким
терпѣнием твои́м обезси́лил еси́ мучи́телю дѣрзость,
му́жественный победоно́сче. Огня́, зверей, колеса́ не
убоя́вся и мечѣм усече́н во главу́, венѣц победы́ прия́л
еси́ от Христа́ Бо́га, взыва́я Ему́: **Аллилу́иа.**

Икос 3.

Иму́щи оби́тель тво́я вседрагу́ю главу́ твою́,
богомудры́й страсотѣрпче, я́ко превели́кое сокрови́ще,
ра́дости исполня́ется о сем и, любóвию воспева́юще
да́нную тебѣ от Бо́га благода́ть исцелѣ́ний, благода́рно
зовѣт ти:

Ра́дуйся, Нико́мидии свети́льнице всесвѣтлы́й;
ра́дуйся, чту́щей тя оби́тели стра́же неусы́пный.





Ра́дуйся, ѿмже охладѣ безбо́жие; ра́дуйся, ѿмже
возрасте́ богопозна́ние.

Ра́дуйся, свѣтлая страстоте́рпцев сла́во; ра́дуйся,
ра́достное правосла́вных слы́шание.

Ра́дуйся, исцелѣ́ний благодáтный исто́чнице;
ра́дуйся, дарова́ний вели́ких вмести́лище.

Ра́дуйся, благово́нное ми́ро, облагоуха́ющее ду́ши;
ра́дуйся, ꙗ́ко помога́еши призыва́ющим тя.

Ра́дуйся, слепы́м зрѣ́ние дарова́вый; ра́дуйся,
хромы́м благоше́ствие устро́ивый.

Ра́дуйся, великому́чениче и целите́лю Пантеле́имоне.

Кондак 4.

Бу́рею помышлѣ́ний многобо́жия одержи́м, нече-
сти́вый царь смути́ся, уви́дев от зависти́вовавших тебѣ
враче́в, ꙗ́ко вся́кия неисцѣ́льныя недуги́ цели́ши ты
ѿменем Христа́. Мы же, с весе́лием сла́вяще дѣ́внаго в
тебѣ Бо́га, вопие́м Ему́: **Аллилу́иа.**

Икос 4.

Слы́шавше никомидѣ́йстии лю́дие о вели́ком
сострада́нии твоѣм к стра́ждущим и о безме́дном
врачевáнии от вся́ких болѣ́зней, устремѣ́шася вси к
тебѣ с ве́рою во врачу́ющую благодáть, в тебѣ су́щую,
и приѣмлюще ско́рая исцелѣ́ния от вся́ких болѣ́зней,
прославля́ху Бо́га и тебѣ велича́ху, всеми́лостиваго
целите́ля своего́, зову́ще ти:



Ра́дуйся, пома́занный ми́ром благода́ти; ра́дуйся, хра́ме Бо́га освяще́нный.

Ра́дуйся, вели́кая благочестивых сла́во; ра́дуйся, твёрдая озлобля́емых стено́.

Ра́дуйся, му́дрых превосходя́й ра́зумом; ра́дуйся, ве́рных осиява́яй мы́сли.

Ра́дуйся, Божественных даро́в приятелище и мно-гообра́зных нам ми́лостей Господних исто́чнице; ра́дуйся, ско́рый помо́щнице стра́ждущим.

Ра́дуйся, обурева́емых приста́нище; ра́дуйся, заблуждших наста́внице.

Ра́дуйся, боля́щих ту́не врачу́яй; ра́дуйся, обильно исцелёния исто́ча́яй.

Ра́дуйся, вели́комучениче и целите́лю Пантелеимо́не.

Кондак 5.

Чу́до пресла́вное сотвори́ тобо́ю Господь, егда́ чрез служи́теля Своего́ Ермола́я призва́ тя в чу́дный Сво́й свет. Ехидною бо ве́лиею угрызено уме́ршее отроча́ по моли́тве твое́й ко Христу́ а́бие оживе́ и воста́ здра́во. Позна́в убо Жизнода́вца всех и́стиннаго Бо́га, с твёрдою ве́рою воззва́л еси́ Ему́: **Аллилу́иа.**

Икос 5.

Узрэ́ свет слепы́й, ему́же с призыва́нием и́мене Христо́ва прикосну́лся еси́ ты, сла́вне. Ермола́ем бо





пресві́тером просвещён, отрёну́в отёческое многобо́-
жие, восприя́л еси́ ма́тернее благоче́стие, ѿмже и отца́
просвети́л еси́. Сего́ ра́ди тебе́, сла́вному уго́днику Бо́-
жию и чу́дному врачу́, взыва́ем:

Ра́дуйся, к Бо́гу ве́лие раче́ние имей; ра́дуйся, при-
сногоря́щий огню́ Божественны́я любве́.

Ра́дуйся, де́ятельный послу́шателю свяще́нных
поуче́ний Ермола́я; ра́дуйся, послéдова́вый сове́там
ма́тере твоея́ Евву́лы.

Ра́дуйся, я́ко вся разда́л еси́, да Христа́ приобрета́-
ши; ра́дуйся, любóвь к ми́ру любóвию Бо́жиею
победи́вый.

Ра́дуйся, я́ко вмéсто сла́дких ми́ра за Христа́ лю́тая
страда́ния прия́л еси́; ра́дуйся, я́ко о́бщник сотво-
ри́лся еси́ Страсте́м Христо́вым.

Ра́дуйся, восторжествова́вый над все́ми
страстьми́; ра́дуйся, украси́выйся благода́тным
безстра́тием.

Ра́дуйся, исполня́яй ра́дости притека́ющия к
тебе́; ра́дуйся, ту́не исцеля́яй всех благода́тию
Христо́вою.

Ра́дуйся, великомучени́че и целите́лю Пантелеи́моне.

Кондак 6.

Пропове́дник ѿстины я́вися просвеще́нный тобо́ю
телéсне и душе́вне слепе́ц; подобно́ бо ева́нгельскому



слепцѹ, дерзновѣнно пред всѣми исповѣда Свѣта Ёстиннаго Христѹ, просвѣщающа всякаго человѣка, нечестѣваго же царѹ и бѣги язѣческаго укорѣв, чрез мѣчное усечѣние взѣде к немерцающему свѣту на небесѣхъ пѣти Бѣгу: **Аллилуѣа.**

Икос 6.

С свѣтлым лицѣмъ предѣставъ судѣлищу царѣву, дерзновѣнно взывалъ еси, преблаженне, во услышание всехъ: «Всецѣлебная сила моя и слава Христосъ есть Ёстинный Бог, Владѣка всехъ, мѣртвыя воскрешая и всякъ недѣгъ отгоняя». За таковоѣ исповѣдание ублажающе тя, глаголемъ:

Радуйся, уста громогласная Божества Христова; радуйся, язѣче медоточный, вещая Егѣ домостроительство.

Радуйся, ветѣе превѣсшаго богословия; радуйся, сеятелю мудрый благочестия.

Радуйся, сладкозвучная веры свирель; радуйся, славный проповѣдникъ Православия.

Радуйся, прѣжде смѣрти явивый дивная; радуйся, по смѣрти совершая чюдная.

Радуйся, зрителю славы Христовой; радуйся, послушателю молящихся тебѣ.

Радуйся, подателю милости тоя требующимъ; радуйся, ходатаю благъ почитающимъ память твою.

Радуйся, великомучениче и целителю Пантелеймоне.



Кондак 7.

Міро изліяся на дўшу твою, богомўдрый целёбниче, от Утёшителя Дўха; тёмже по смёрти честнўя остўнки твоя, благоухўнием своїм страстёй злосмрадие отгоняя, исцелёние подають вопиющим вёрою Бóгу: Аллилуїа.

Икос 7.

Егда узрёша їдольстии чтїтели многолётна разслабленна, молїтвою твоёю, святе, воздвїгнута и ходяща, мнўзи увёроваша во Христа; жрецы же бесовстии, завистию снедаеми, подвигоша царя на ярость. Тебе ўбо нещадно за Христа стружему и опаляему бївшу, со умилёнием зовём:

Радуйся, наслаждёния земная презревший; радуйся, благ вещественных превысший.

Радуйся, яко вся красная мира сего ни во что же вменил еси; радуйся, яко славу скоротекущую с себе отрясл еси.

Радуйся, неуловим пребывавый ловлении велиара; радуйся, победивый мучителей коварства.

Радуйся, не пощадивый за Христа жизни своея; радуйся, враг явивыйся враждебныя плоти.

Радуйся, многобожия широту утеснивший; радуйся, Божественною силою идолы поправый.

Радуйся, острейшая стрело, язвящая враги; радуйся, предстателю, заступаый верующия.

Радуйся, великомучениче и целителю Пантелеимоне.



Кондак 8.

Страннолёпно являшеся тебѣ Господь, ободряя и соблюдая в мучѣниях за имя Его: во образе бо пресвитера Ермолая, клоко́чущее олово, в неже ввёржен был еси, охладѣ, и в мѣри отрѣшивъ вѣлий камень отъ вѣи твоея, изведѣ невреждѣнна на зѣмлю. Ты же, паки предѣставъ предъ царя, торжѣственне пел еси Христу́ Богу: **Аллилу́иа.**

Икос 8.

Весь умне на небесѣ водворяяся, и низу на землѣ сущихъ не оставляеши, сопребывая с нами всечестною главою твоею, великий страсотѣрпче Христовъ, приѣмля отъ Господа и подаѣ просвѣщѣние и освящѣние вопиющимъ тебѣ таковаѣ:

Ра́дуйся, премудросте Божественныя исполненный;
ра́дуйся, промыслѣния Божия о нас тайнниче.

Ра́дуйся, богомудренныя умовъ услаждѣние;
ра́дуйся, боголюбивыхъ душъ увеселѣние.

Ра́дуйся, пресвѣтлый Христовъ бисере; ра́дуйся,
освящѣнный душею и теломъ.

Ра́дуйся, во двѣрехъ перворождѣнныхъ на небесѣ
вселѣвыйся; ра́дуйся, в присноблаженныя обитаяя
черто́зехъ.

Ра́дуйся, свѣта Троическаго зрителю; ра́дуйся, в
моли́твахъ къ Богу тёплымъ о нас предѣстателю.



Ра́дуйся, просвещéние душáм подавáяй; ра́дуйся, скорбáщим утешéние ниспосылáяй.

Ра́дуйся, великомúчениче и целítелю Пантелеíмоне.

Кондак 9.

Всáкое естество́ удивíся, Пантелеíмоне, сия́нию в тебé благодáти и богáтству добродéтелей, ангелоподóбней чистотé твоéй, вели́кому мúжеству в лю́тых страдáниях, крéпкой любв́и ко Христу́ и мно́гому сострадáнию к лю́дем, в нíхже твориши преслáвная, во éже пéти: **Аллилу́иа.**

Икос 9.

Ветíя многовещáнные не возмо́гут по достоя́нию восхвалíти борéния твоя́, слáвный добропобéднице, кáко непобедíмою síлою Бóжиею ю́ный лéты победí дрéвняго и íсконнаго врагá и посрамí íдольскую прелесть. Мы же, удивлéния испóлнении, зовём ти:

Ра́дуйся, радостное зрелище Áнгелов; ра́дуйся, благоговéйное удивлéние челове́ков.

Ра́дуйся, кровь за Христа́ излия́вый и в смёрти млеко́ источíвый; ра́дуйся, тéло за Него́ мúченической смёрти преда́вый.

Ра́дуйся, исповéдничества пра́вило; ра́дуйся, до́блй во́ине Царя́ царей.

Ра́дуйся, тьмы держáвца победíвый; ра́дуйся, побéдою твоéю небéсных и земн́ых обвесели́вый.



Ра́дуйся, го́рняго ми́ра обита́телю блаже́нный;
ра́дуйся, до́льняго ми́ра му́дрый стра́нниче.

Ра́дуйся, дре́во, укра́шенное пло́дами благода́тных
дарова́ний; ра́дуйся, нося́й добропобе́дныя ве́тви.

Ра́дуйся, вели́комучени́че и целите́лю Пантелеи́моне.

Кондак 10.

Сострада́ния испо́лнен, я́ко и́стинный подража́тель
пода́теля ми́лости Го́спода, честный страда́льче,
Пантелеи́моном (си есть, всеми́лостивым) от Не́го
преимено́ван еси́, на вся притека́ющия к тебе́ ми́лость
излива́я, ю́же и нам неоску́дно источа́й, о тебе́
вопи́ющим Бо́гу: **Аллилу́иа.**

Икос 10.

Стéну тя твёрду́ обрёт мучи́тель, никии́ми же
му́ками победиму́, покуси́ся сокруши́ти крéпость
твою́ зу́бы зверей и острия́ми мучи́лищнаго колеса́,
оба́че и в сем ничто́же успе́, си́ла бо Христо́ва лю́тость
зверей укроти́, а стра́шное ко́ло, на нёмже обраща́емо
бе тéло твоё, а́бие сокруши́ся. Тебе́ у́бо непобедимо́му
страстоте́рпцу, зове́м:

Ра́дуйся, честно́е Христо́во избра́ние; ра́дуйся,
непорочное́ Бо́гови благоуха́ние.

Ра́дуйся, твёрдый адама́нте Це́ркве; ра́дуйся,
непоколеби́мый сто́лпе, досяза́й до небесе́.

Ра́дуйся, зве́ри ви́димыя укроща́яй; ра́дуйся, дра-
ко́нов неви́димых сокруша́яй.



Ра́дуйся, обагрѣнный твоѣю за Христа́ крѡвию, срастворѣнную млекѡм; ра́дуйся, неувядаѣмая приѣмый венцы́.

Ра́дуйся, ра́дость причини́вый А́нгелом и чело-вѣком; ра́дуйся, просла́вленный Бо́гом на небеси́ и на земли́.

Ра́дуйся, небожи́телю, ликовству́яй с мученики; ра́дуйся, насыща́яйся лицезрѣнием Христа́ пресла́дким.

Ра́дуйся, великомучениче и целите́лю Пантелеймоне.


Кондак 11.

Песнь исходную прино́сим твоѣму́ за Христа́ заколѣнию священному, в нёмже вмѣсте с крѡвию млекѡ истече́ от тебѣ, великомучениче, и ма́сличина, под неюже усече́н был еси́, исполнися вся целительных плодо́в. Те́мже Христу́, дивно прославля́ющему сла́влящия Его́, тёпле вопиѣм: **Аллилу́иа.**

Икос 11.

Светоза́рная луча́ был еси́, богому́дре, во тьме многобо́жия сидя́щим, путево́дящая к Со́лнцу Пра́вды Христу́ Бо́гу, Ему́же моли́ся, во све́те за́поведей Его́ при́сно пребыва́ти и нам, сицева́я ра́достная тебѣ принося́щим:

Ра́дуйся, пресвѣтлая звездѡ, на мы́сленной твёр-





ди блистающая; радуйся, луче, христоименитым людем светящая.

Радуйся, таинственно облиставаемый от Солнца Христа; радуйся, умне землю обтекаая.

Радуйся, селение красное Пресвятаго Духа; радуйся, сосуде пречестный, изливаяя исцеления.

Радуйся, чистоты сокровище; радуйся, милости тезоимените.

Радуйся, Царствия Небеснаго наследниче; радуйся, вечныя славы сопричастниче.

Радуйся, представителю бедствующим в мори житейстем; радуйся, безсребренниче, помогаая призывающим тя с верою.

Радуйся, великомучениче и целителю Пантелеимоне.

Кондак 12.

Благодати обилие приял еси, треблаженне, по обилию любви твоея ко Христу Богу. Иже и яви ты многоцелбным источником, безмездно врачующим душевныя и телесныя болезни притекающих к тебе с верою и Богу вопиющих: Аллилуиа.

Икос 12.

Поюще многострадальныя подвиги твоя за Христа, славный страстотерпче, хвалим долготерпение твое, ублажаем мученическую кончину, почитаем и



священную память твою, заступниче наш и целителю,
и в похвалу сицевая тебе зовем:

Радуйся, благочестия трубó благозвучная; радуйся,
мечу, посекаяя нечестие.

Радуйся, строганный на древе за распостершаго
руце Свой на древе Крестнем; радуйся, яко опа-
ляем за Него, прелести пещь погасил еси.

Радуйся, язвами твоими враги уязвимый; радуй-
ся, кровию твою токи идольския крове иссу-
шивый.

Радуйся, в кипящее олово вверженный за Христа;
радуйся, погруженный за Имя Его в водах мор-
ских.

Радуйся, промыслением Божиим неврежден в
сих пребывый; радуйся, яко чрез огонь и воду
мучений вшел еси в покой небесный.

Радуйся, изливаяя неизсякаемая струи милости
верным; радуйся, благосострадательный врачу,
исцеления благодатная подаваяя.

Радуйся, великомучениче и целителю Пантелеимоне.

Кондак 13.

О многострадальный и предивный страстотерпче
Христов и целителю наш Пантелеимоне! Милостиво
прием сие малое от нас приношение, от многообразных
недугов исцели ны и предстательством твоим сохрани
от враг видимых и невидимых и вечнаго мучения



избавитися нам Гóспода умоли́, да во Цáрствии Его́
вѣину воспевáем: **Аллилу́иа.**

Этот кондак читается трижды.

Икос 1.

А́нгела земна́го и небéснаго челове́ка вѣмы ты,
сла́вный Пантелеймоне: а́нгельскою бо непорóчностью
и мученичеством укра́шен, пресели́ся еси́ от земли́
на нѣбо, иде́же со А́нгелы и все́ми святы́ми предсто́я
Престо́лу Гóспода сла́вы, моли́ся о нас, земныхъ,
почита́ющих тя зва́нии сими́:

Ра́дуйся, свѣтлосте благочѣстия; ра́дуйся, пресла́в-
ный свѣтильниче Цѣркви.

Ра́дуйся, мучеников пречестныхъ украше́ние;
ра́дуйся, вѣрных в непоколебимом терпѣнии
утвержде́ние.

Ра́дуйся, юности преизрядная похвало́; ра́дуйся,
поборниче Христовъ, в мужестве неодоле́нный.

Ра́дуйся, произра́стший в ми́ре, премірен
явивыйся; ра́дуйся, а́нгеле во плóти, превосходя́й
смѣртныхъ.

Ра́дуйся, небожителю всеблаже́нный; ра́дуйся,
Божественнаго ра́зума вмести́лище.

Ра́дуйся, имже вѣра возвы́сися; ра́дуйся, имже
прѣлесть низложі́ся.

Ра́дуйся, великомучениче и целі́телю Пантелеймоне.



Кондак 1.

Избранный страсотёрпче Христов и врачу
благодатный, ту́не подай недугующим исцеления,
пёсньми восхваляем тя, заступника нашего. Ты же,
яко имейя дерзновение ко Господу, от всяких бед и
болёзней свободдай нас, любовию тебе зовущих:
Ра́дуйся, великомучениче и целителю Пантелеймоне.

Молитва.

О великий Христов угодниче и преславный
целёбниче, великомучениче Пантелеймоне!
Душею на небеси Престо́лу Божью предсто́яй и
Триипоста́сныя Его́ славы наслажда́йся, тѣлом
же и ли́ком святы́м на землі в Божественных
храмах почива́яй и да́нную ти свѣше благода́тию
разлі́чная чудеса́ источа́яй, при́зри мѣлостивным
твоѣм о́ком на предсто́ящія лю́ди, честне́й твоѣй
ико́не умѣльно моля́щися и прося́щія от тебе́
целёбныя по́мощи и заступле́ния: простри́ ко
Господу Бо́гу нашему́ тёплыя тво́я моли́твы и
испроси́ душамъ нашимъ оставле́ние согреше́ний.
Се бо мы, за беззако́нія наша не сме́юще возвести́
очеса́ наша к высотѣ небѣсней, ниже́ вознести́ глас
моле́бный к Его́ в Божестве́ непристу́пней сла́ве,
се́рдцем сокруше́нным и ду́хом смире́нным тебе́,
хода́тая мѣлостива ко Влады́це и моли́твенника



за ны, грѣшныя (імя), призываем, яко ты приял еси благодать от Него недуги отгоняти и страсти исцеляти. Тебе убо просим: не презри нас, недостойных, молящихся тебе и твоея помощи требующих. Будинам в печалех утешитель, в недужех лютых страждующим врач, напастуемым скорый покровитель, очесем недугующим прозрения датель, ссущим и младенцем в болезнях готовейший предстатель и исцелитель. Исходатайствуй всем вся, яже ко спасению полезная, яко да твоими ко Господу Богу молитвами получи́вше благодать и мѣлость, прославим всех благих Источника и Дароподателя Бога, Единого в Троице Святей славимаго Отца и Сына и Святаго Духа ныне и присно и во веки веков. Аминь.

Величание великомученику Пантелеймону.

Величаем тя, / святы́й великомучениче
Пантелеймоне, / и чтим честная страдания твоя, //
яже за Христа претерпел еси́.



**Святой великомучениче и целителю
Пантелеимоне, моли Бога о нас!**